

Protocol no. 57**Sezzüda da marcurdi, als 06 marz 2013 20.00 - 22.45**

Preschaints: Albert Mayer, Men Caviezel, Dumeng Jann,
Marianne Werro-Lehmann e Marco Fallet (protocol)

S-chüsà: Il vicecapo, Andri Poo.

Pro las fatschendas
492 e 495 Il silvicultur, Mario Riatsch.

492, 493, 494, 495 Il manader tecnic, Christian Poo.

Protocol

Il protocol no. 56 da la sezzüda da marcurdi, als 27. favrer 2013 vain approvà.

492 622**GRUPPA DA MANTEGNIMAIN****Mancanza da persunal / proposta manader tecnic e silvicultur**

Il manader tecnic ed il silvicultur han examinà la fatschenda, quai eir in basa d'üna discussiun salvada cun tuot ils lavuraints da la gruppa da god e da mantegnimaint. Tuots quels sun eir da l'avis, chi bsögn'amo üna cumplettaziun dal persunal. Seguond l'aboccamaint ed eir ponderaziuns sco eir observaziuns fattas davart dal silvicultur e dal manader tecnic, suottamettan quels uossa seguainta proposta:

Sco previs eir il preventiv 2013 dess gnir ingaschè d'ürant la prümavaira e d'ürant ils mais d'utuon ün lavuraint forestal pro la gruppa da god. Perintant però nu vain ingaschè ingün pro la gruppa da mantegnimaint. D'utuon ais previs da far ün'analisa e da valütar la situaziun in möd definitiv.

Il Cussagl va d'accord in fatschenda.

493 021**FABRICA****Uina SA, Ramosch / permiss per explotar gierra da la chava****Panas-ch Sura**

Il manader tecnic orientescha, cha'l permiss davart da l'uffizi chantunal pel svilup dal territori (BAB) ais avantman. In basa dals contracts e d'ulteriura documainta sto però la fatschenda gnir examinada ed elavurada plü a fuond, per cha'l permiss da fabrica po gnir concess in möd chi's confà cullas prescripziuns da la ledscha. Ultra da quai ston eir gnir fats amo sclerimaints culla concessionaria, ditta Uina SA, Ramosch.

494 021

FABRICA

Men Caviezel, silo da pavel pro la stalla a Saranschasch

Men Caviezel piglia recusaziun. La posiziun davart da l'uffizi chantunal pel svilup dal territori (BAB) ais avantman in sen positiv, uschè cha'l Cussagl decida, da conceder il permiss da fabrica per installar ün seguond silo da pavel pro la stalla sper quel existent per adöver agricul.

495 622

GRUPPA DA MANTEGNIMAIN

Pensum da lavur manader tecnic in connex culla planisaziun cumünala

Per cha'l proget revisiun da la planisaziun cumünala possa prosegir in möd plü efficiaint ais quai bsögnaivel, cha'l manader tecnic as sto ingaschar in möd considerabel daplü in fatschenda. In basa da la discussiun manada cun quel, suottamett'il schef da planisaziun, la proposta chi dess d'ürant quella fasa gnir trat nanpro al silvicultur, chi füss eir pront da schlobgiar cun surtour tschertas lavuors d'ürant il temp bsögnaivel. Cun quai va il Cussagl d'accord.

496 805

MEGLIORAZIUN

Demischiun da duos stimadurs

Il president da la cumischiun da stima, Gian Campell, Ardez ha orientà, cha Rudolf Müller da Susch e Jon Roner da Zernez han inoltrà lur demischiuns sco stimadurs da la meglioraziun. Il president da la meglioraziun da nos cumün, Jöri Felix, orientescha cha la cumischiun suottametta la proposta per duos successurs, dimena per Men Notegen da Tschlin (fin da qua substitut) e Cla Denoth da Ftan (nouv commember). Il Cussagl va d'accord cun quellas propostas. I sto uossa amo gnir scleri, in chenüna cumpetenzza cha quella tscherna sta.

498

ORIENTAZIUNS

Charta Taxi & Viadis Guler / shuttle bus e soluziun pel ultim toc da la pista Sömmi

Il Cussagl vaiva tut cunguschentscha da quella. La ditta Guler s'almenta a regard ün artichel cumparü illa pressa, cul qual el nu va d'accord. Il Cussagl tratta la fatschenda e decida da tour posiziun in chosa.

L'actuar:
Marco Fallet

Il Capo:
Albert Mayer

La fatschenda nr. 497 nu vain publichada, causa cha quellas suottastà al secret d'uffizi.